


離垢慧喜菩薩所問禮佛法經
大乘四法經

二百一
景四

48772



元祐九年丙子二月一日
 皇帝御製
 佛日塔觀
 山或州天安寺法全

佛日塔觀



二經同卷 四

離垢慧菩薩所問禮佛法經

大乘四法經

離垢慧菩薩所問禮佛法經序

宣律師製序綴文

惟夫慢幢難偃三界由此輪迴愛水未清四

惑因茲流洄自非獨拔開士出有至人何能

裂愛網而闢重關質深疑而啓昏趣有離垢

慧菩薩者道高初住德跨八恒假時俗之律

途發深識之嘉問如來以無緣之勝辯赴有

待之幽情斷五趣之蓋纏藉五輪之禮念所

以五通五眼自此增修五位五生承斯圓滿



蘊結中夏千六百年頽運有蹤載聞東壤洎
龍朔三年有天竺三藏厥号那提統括六異
之宗窮微四圍之典九部八藏詞無昧於自
他十諦一乘義有歸於空色並詳略名理妙
達宏致來儀帝里頻謁天庭降厚禮於慈恩
將歸飛於海表以此經群聖之發軔凡衆之
初心乃出流布傳於道俗遂依繕寫所在通
之恐未悉其來由故因叙其緣致云介
離垢慧菩薩所問礼佛法經

唐天竺三藏那提譯

如是我聞一時佛在室羅棧悉帝城勝德林
中給孤獨園與大比丘衆五百人俱菩薩無

央數又與無量婆羅門毗舍首陀并諸長者
各各皆是大衆之首與其同類來至佛所又
有天龍夜叉軋閻婆阿修羅迦樓羅緊那羅
摩睺羅伽在大法會前後圍遶

尔時衆中有菩薩摩訶薩名離垢慧即從座
起偏袒右肩右膝著地恭敬合掌前白佛言

世尊欲有少問願見聽許佛言恣汝所問當
隨意答離垢慧菩薩既聞佛許踊躍無量而
白佛言若有善男子善女人等於如來所云
何恭敬禮拜供養佛言離垢慧善哉善哉汝
多悲愍饒益安樂一切人天當善諦聽爲汝
解說若善男子及善女人欲於佛所起禮敬

者先應發願作如是言我今至心頂禮十方
諸佛普入一切諸勝法中我今五輪於佛作
禮爲斷五道離於五蓋願諸衆生常得安住
無壞五通具足五眼願我右膝著地之時令
諸衆生得正覺道願我左膝著地之時令諸
衆生於外道法不起邪見悉得安立正覺道
中願我右手著地之時猶如世尊坐金剛座
右手拍地震動現瑞證大菩提今我亦亦共
諸衆生同證覺道願我左手著地之時令諸
外道難調伏者以四攝法而攝取之今入正
法願我首頂著地之時令諸衆生離憍慢心
悉得成就無見頂相離垢慧是爲五輪作禮

之相次礼十方現在諸佛應作是言

南無東方阿闍如來廣及彼方無量世界一切如來諸大法藏并諸菩薩聲聞緣覺一切賢聖

南無南方寶相如來廣及彼方無量世界一切如來諸大法藏并諸菩薩聲聞緣覺一切賢聖

南無西方無量壽如來廣及彼方無量世界一切如來諸大法藏并諸菩薩聲聞緣覺一切賢聖

南無北方妙鼓聲如來廣及彼方無量世界一切如來諸大法藏并諸菩薩聲聞緣覺一

切賢聖

南無東南方因陀羅雜都幢王如來廣及彼
方無量世界一切如來諸大法藏并諸菩薩
聲聞緣覺一切賢聖

南無西南方寶遊步如來廣及彼方無量世
界一切如來諸大法藏并諸菩薩聲聞緣覺
一切賢聖

南無西北方娑羅因陀羅王如來廣及彼方
無量世界一切如來諸大法藏并諸菩薩聲
聞緣覺一切賢聖

南無東北方無量幢王如來廣及彼方無量
世界一切如來諸大法藏并諸菩薩聲聞緣

覺一切賢聖

南無上方智光如來廣及彼方無量世界一切如來諸大法藏并諸菩薩聲聞緣覺一切賢聖

南無下方毗盧遮那如來廣及彼方無量世界一切如來諸大法藏并諸菩薩聲聞緣覺一切賢聖

次又歸命娑訶世界本師釋迦牟尼如來廣及十方無量世界一切如來諸大法藏及入地菩薩摩訶薩聲聞緣覺一切賢聖

又作是言我今一心頂禮如上一切佛法諸賢聖衆當願證知我從今日乃至菩提常行

歸依佛世尊者大慈悲者一切智者一切知
見者諸畏已離者人中大師子大龍王人中
大仙士大丈夫一切徧知不思議身無上身
無等身不與二乘共身清淨法身一切衆中
最尊上者我今至誠一心歸命如是歸命百
徧千徧百千萬徧乃至無量無數徧盡未來

際徹骨徹髓歸依如上諸佛世尊

又作是言我今以身口意三業善根共諸衆
生歸依於佛常不離佛如是歸依坐道場者
常住常恒不遷變者不老不死不滅壞者無
任無緣性寂靜者住於法舍作大護念爲洲
渚者爲歸爲依證涅槃者於諸法中住最上

者我今至誠慇懃鄭重歸命如是諸佛正法
重又如上至誠歸命住種性中諸菩薩等從
歡喜地乃至法雲住於十地諸菩薩僧

次應懺悔當作是言惟願十方諸佛世尊證
知憶念哀受我懺身業三種行殺盜婬口業
有四妄言惡口兩舌綺語意三業行謂貪瞋
癡自作教他見作隨喜如是十惡今悉懺悔
又重思惟無始已來輪轉六道於諸衆生種
種欺負大斗重秤取物自資輕秤小斗便與
他物假飾衣金潛行毒藥皆爲損害今悉懺
悔或謗三乘妄說法律輕慢三寶欺恫二親
於諸尊長和上闍梨耆老之前不生恭敬如

是等過去諸罪今悉懺悔現在惡業誠心發露所未作者更不敢作今於諸佛諸菩薩等最大衆首無比無上無等等前發露懺悔不敢覆藏一懺已後更不重造如是懺悔第二第三亦如上說

次應勸請當作是言十方諸佛若未轉法輪若欲入涅槃者我皆勸請惟願久住於無量劫愍諸衆生雨大法雨轉正法輪不般涅槃次應隨喜當作是言十方所有三乘賢聖數如恒沙及一切衆生修行六度助菩提法我皆隨喜

次應迴向當作是言十方三世諸佛作業及

諸菩薩聲聞緣覺所行六度盡已迴向無上
菩提我亦如是迴向佛道

次應發願仰惟十方三世諸佛菩薩皆發弘
願盡虛空徧法界所在流化爲諸衆生三界
所攝無有遺餘願今衆生利樂成熟具善律
儀住大涅槃今並現前我亦如是大誓莊嚴
願我於無上道心不散亂常見諸佛常聞正
法承事修行無有空過所作善法及菩提心
亦不退失所生之處供養聖衆教化衆生得
無上道轉正法輪具大神通亦令衆生如是
修學至不退轉

又願一切衆生早斷諸苦速證涅槃住如來

智我既出於生死覺悟一切亦令衆生出離
生死解脫煩惱覺悟一切惟願十方諸佛證知
我行菩薩道發興願海今時世尊而說頌曰
願我所生處 隨業而受形 成大丈夫身
有信諸根具 通伎術藝能 廣解諸教意
世事悉棄捨 諸欲皆遠離 正語住法念
莊嚴菩提心 敬事善知識 有情咸見重
威儀既具足 淨念受樂報 常畏彼惡業
遊步於善法 恒依十度行 故得成菩提
乃至最後身 常與衆生樂 珠中摩尼勝
能成利他事 願我窮未來 利益無休息
佛告離垢慧菩薩摩訶薩言若有衆生行善

薩道如我所說當依修學說是經已離垢慧
等及諸大衆天龍夜叉軋閻婆阿脩羅迦樓
羅緊那羅摩睺羅伽人非人等聞佛所說歡
喜奉行

離垢慧甚喜薩
亦四禮佛法經

大乘四法經

唐于闐國三藏法師實叉難陀奉 制譯

歸命大智海 毗盧遮那佛

如是我聞一時佛在舍衛國祇樹給孤獨園
與大比丘衆五百人菩薩摩訶薩八千人俱

皆被堅固大加誓甲并欲色界諸天子等無
量百千恭敬如來聽受法要

尔時文殊師利童子持一寶盖廣十由旬覆
如來上時有兜率陀天名曰善勝已於阿耨
多羅三藐三菩提得不退轉與其眷屬在此
會中白文殊師利言尊者供養如來猶未足
耶文殊師利言於意云何海納衆流有馱足
不天言不也文殊師利言天子大海深廣無
有涯際萬流朝宗嘗無盈息菩薩摩訶薩求
薩婆若供養如來亦復如是未曾馱足天復
請言供養佛時應何所爲文殊荅言應以四
事一爲薩婆若二爲度一切衆生三爲不斷

三寶種四爲攝諸佛利功德莊嚴是爲菩薩
以四事故供養如來天復請言善哉尊者菩
薩於法常應不恡如昔所爲尸棄梵王及其
眷屬演四法門菩薩之道願爲我等一切衆
會重宣此義文殊師利言諦聽諦聽善思念
之當爲汝說天子菩薩摩訶薩應發四種增
上意樂心云何爲四謂攝一切衆生心成熟
一切衆生心集一切善根心覺悟一切佛法
心是爲四復次菩薩應發四種如山心云何
爲四謂於乞者無瞋嫌心向惡道者生悲愍
心般若波羅蜜常不捨心所修衆行皆究竟
心是爲四復次菩薩應發四種轉勝心云何

爲四謂持戒轉勝多聞轉勝大慈轉勝大悲
轉勝是爲四復次菩薩應發四種如金剛不
可壞心云何爲四謂信樂不壞依善知識不
壞修行不壞求大乘不壞是爲四復次菩薩
應發四種無能染心云何爲四謂煩惱不能
染名利不能染下乘不能染諸惡衆生不能
染是爲四復次菩薩應發四種無上心云何
爲四謂所愛皆捨心施已無悔心不望果報
心迴向菩提心是爲四復次菩薩有四種能
至頂法云何爲四謂智慧方便持正法化衆
生是爲四復次菩薩有四種助菩提道云何
爲四謂勤修諸度順四攝事住四梵住遊戲

神通是爲四復次菩薩有四種第一勝法云
何爲四謂於諸衆生無損惱心惱害已者心
無繫念在五欲境而不放逸貧窮苦厄不捨
法行是爲四復次菩薩有四種安隱心云何
爲四若在家時自財知足他財不貪若出家
時依四聖種行頭陀法是爲四復次菩薩有
四種施云何爲四謂財施法施紙筆施於法
師所善心讚歎施是爲四復次菩薩有四種
堅勝法云何爲四謂所聞能行豐財能施尊
者能供養壽命能種諸善根是爲四復次善
薩有四種不捨云何爲四謂不捨菩提心不
捨正法不捨一切衆生不捨求諸善法是爲

四復次菩薩有四種園云何為四謂樂住阿
蘭若樂獨露坐樂求善法樂方便度諸衆生
是為四復次菩薩有四種宮云何為四樂依
梵住樂聞善法樂觀性空樂同行者共止是
為四復次菩薩有四種無盡財云何為四謂
多聞財說法財攝諸貧乏財迴向菩提財是

身
卷

為四復次菩薩有四種伏藏云何為四謂陀
羅尼藏辯才藏法藏無盡財迴向藏是為四
復次菩薩有四種遠離云何為四謂遠離衆
話遠離五欲境遠離非聖心遠離三界是為
四復次菩薩有四種樂云何為四謂離我我
所無著樂一切不顧戀遠離樂離一切境界

寂靜樂不捨一切衆生而無煩惱涅槃樂是
爲四復次菩薩有四種喜云何爲四謂見佛
喜聞法喜布施不悔喜與一切衆生安樂喜
是爲四復次菩薩有四種真實云何爲四謂
不捨菩提心不捨弘誓願不捨有來歸依者
不捨一切善護語是爲四復次菩薩有四種
善法云何爲四謂樂修一切善法不輕未學
於諸衆生怨親平等爲不請友饒益衆生不
思其報是爲四復次菩薩有四種清淨云何
爲四謂戒清淨無我故定清淨無衆生故慧
清淨無壽者故解脫清淨無諸趣生故是爲
四復次菩薩有四種足云何爲四謂善足法

足行頭陀功德足集菩提資糧足是爲四復
次菩薩有四種手云何爲四謂信手戒手聞
手慧手是爲四復次菩薩有四種眼云何爲
四謂肉眼作善業故天眼神通不退故慧眼
所聞不厭故法眼諦觀諸法得忍故是爲四
復次菩薩有四種無厭云何爲四謂施無厭
住阿蘭若無厭聽法無厭修善無厭是爲四
復次菩薩有四種難行云何爲四謂忍受一
切卑賤凌辱雖自窮乏所有皆施見有從乞
頭目身體心無違逆生善友想觀空無我而
現受生是爲四復次菩薩有四種無病云何
爲四謂無諸見不等病無煩惱熱病無不利

益衆生病無諸法疑惑病是爲四復次菩薩
有四種自分法云何爲四謂諸波羅蜜菩提
分法真善知識不作一切惡業是爲四復次
菩薩有四種不動云何爲四謂菩提心如願
而行如言而作勤修正行是爲四復次菩薩
有四種資糧云何爲四謂奢摩他毗鉢舍那
聞一切善根是爲四復次菩薩有四種齊行
云何爲四謂發心起行布施迴向大慈大悲
智慧方便是爲四復次菩薩有四種法障夢
云何爲四謂夢月墮於平地井中夢月現於
濁泉池中夢月在空大雲所覆夢月在空煙
塵所翳是爲四復次菩薩有四種業障夢云

何爲四謂夢墮大險處夢高下道夢磐曲道
夢迷方驚怖是爲四復次菩薩有四種煩惱
障夢云何爲四謂夢毒虵擾亂夢群獸惡聲
夢落賊難處夢身蒙塵垢是爲四復次菩薩
有四種得陀羅尼夢云何爲四謂夢大伏藏
諸寶充滿夢清池中衆華齊敷夢得雙淨白
疊夢諸天持蓋覆上是爲四復次菩薩有四
種得三昧夢云何爲四謂夢端正童女衆寶
莊嚴持華授與夢白鵝行列迴翔空中夢如
來手摩其頂夢如來坐蓮華座入於三昧是
爲四復次菩薩有四種見如來夢云何爲四
謂夢月出現夢日出現夢蓮華開夢大梵王

威儀閑寂是爲四復次菩薩有四種得大人
相夢云何爲四謂夢諸妙華菓滿娑羅樹夢
大銅器衆寶盈滿夢虛空中幢蓋莊嚴夢轉
輪王以法御世是爲四復次菩薩有四種不
退相夢云何爲四謂夢白繒繫頂夢自設無
礙施會夢身處法座夢佛坐道場爲衆說法

是爲四復次菩薩有四種降魔怨夢云何爲
四謂夢大力士摧小力士持勝幡去夢大勇
將戰勝而去夢受灌頂王位夢坐菩提樹降
伏衆魔是爲四復次菩薩有四種坐菩提場
夢云何爲四謂夢吉祥瓶滿夢衆右遶其身
夢所往之處樹皆佞枝夢金光普照是爲四

文殊師利說此法時善勝天子及其眷屬歡
喜踊躍以天曼陀羅華波頭摩華拘物頭華
分陀利華供養文殊師利及散一切衆會以
佛神力所散之華上昇虛空成大蓮華量如
車輪微妙香潔悅可衆心於華臺上有諸菩
薩三十二相莊嚴其身亦時善勝天子白文
殊師利言此諸菩薩從何方來文殊荅言如
華來處是所從來天言此華化生無所從來
文殊復言彼諸菩薩當知亦亦
亦時世尊即便微笑從其口中放種種光青
黃赤白玻瓈等色遍照十方無量刹土上至
梵世蔽日月光還從頂入時善勝天子即從

座起偏袒右肩右膝著地合掌向佛以偈讚曰
清淨金色光 妙相三十二 具億那由他
無比勝功德 能救世間者 何故現微笑
梵音深且遠 所言淨微妙 恒蘊七聖財
放大智慧光 迦陵伽聲音 願說微笑義
世雄大丈夫 降魔及異道 常為諸天人
脩羅等供養 具足十力者 何故現微笑
一切貪恚癡 塵惱智慧障 永斷無餘習
面如淨滿月 普施安樂者 願說微笑義
善逝天人師 無量功德聚 其心常平等
具足行衆善 開解一切苦 何故現微笑
常持大慧燈 破黑闇稠林 遊步若牛王

無畏如師子

利益衆生者

願說微笑義

入中最尊勝

難見難可測

無我無諂曲

超越諸有海

智力自在者

何故現微笑

千輻網縵足

三界無倫匹

竭涸生死流

斷絕愚癡網

善哉大智者

願說微笑義

尔時世尊告善勝天子言汝見虛空蓮華座

上諸菩薩不天子白言唯然已見佛言此諸

菩薩皆是文殊師利之所化度爲聽如是四

法門故從十方來皆住一生補處於十方刹

當成阿耨多羅三藐三菩提名号各異天言

世尊此諸菩薩頗有筭計知其數不尔時世

尊告舍利弗汝能知耶舍利弗言世尊我能

於一念頃悉知三千大千世界一切星宿不能百年筭知此諸菩薩數量佛告舍利弗假使微塵滿閻浮提尚可數知此菩薩數莫知邊際舍利弗言何處當有尔許佛刹容是菩薩成正覺耶佛言且止莫作是說諸世界中空無佛者無量無邊舍利弗假使如來恒河沙劫久住於世日日常說恒河沙法說一法皆授恒河沙菩薩阿耨多羅三藐三菩提記過於東方恒河沙佛刹乃一菩薩於中成佛如是東方無佛世界尚不能盡何況十方一切刹土空無佛者舍利弗如是所有無量世界皆是如來肉眼所見其中所有一切衆

生皆是如來心之所知時諸大聲聞及一切
衆會心生希有作如是言我等今者咸得善
利值遇是師成就廣大福德智慧時虛空中
諸來菩薩皆從空下頂禮如來及文殊師利
恭敬右遶各還本土

爾時善勝天子白文殊師利言善哉尊者乃

作佛事乃能化是無量菩薩住大菩提願為
我說成就此等住菩提法文殊師利言天子
成就菩薩住菩提法有三十五所謂應常依
時不失其節應警策諸根應攝心不動應修
諸波羅蜜應隨善方便應發勝意樂應建大
慈應起大悲應不捨大乘應遠離小乘應常

諦實應如實作應護正法應如聞行應了衆
生性平等無二應觀破戒持戒皆福田相應
覺諸魔業應成滿大願應於生死不疲厭應
降伏衆魔應知恩報恩應入滅因法應於解
脫門不驚怖應供養諸佛應隨衆生所須皆
作應不染世法應樂阿蘭若應行少欲應念
知足應未度令度應未解令解應未安令安
應未涅槃令涅槃應不斷三寶種應攝諸佛
淨刹功德莊嚴是爲成就菩薩三十五種住
菩提法應如是學又復天子菩薩應離十種
慢心所謂我慢多聞慢辯才慢利養名稱慢
住阿蘭若慢頭陀功德慢富貴眷屬慢釋梵

護世承事慢禪定神通慢爲於佛法僧得不
壞信天龍夜叉捷闍婆阿脩羅迦樓羅緊那
羅摩睺羅伽等恭敬讚歎慢菩薩能離此十
種慢即於阿耨多羅三藐三菩提不退轉不
爲一切外道魔怨之所損敗時善勝天子白
文殊師利言隨於尊者所住之處當知已足
有此法門即爲如來於中出世轉正法輪佛
言如是如是如汝所說隨何方土文殊師利
說此法門即爲法王於其中住若有衆生行
此法者是眞佛子有能信解受持此法名實
修行斯人已爲佛所調伏不退轉於阿耨多

羅三藐三菩提

尔時世尊告弥勒菩薩迦葉阿難善男子我
今以此法門付囑汝等當受持讀誦如說修
行爲人廣說我涅槃後應以此法大作佛事
令一切衆生皆獲安樂弥勒白言唯然受教
世尊當何名此經云何受持佛告弥勒此經
名說四法門亦名成就菩薩道法是故汝等
應共受持佛說此經已弥勒菩薩摩訶薩長
老大迦葉長老阿難及一切世間天人阿脩
羅等聞佛所說歡喜奉行

大乘四法經

景

離垢慧菩薩所問禮佛法經 序

流下酒展反關毗反益跨反苦化頽運上徒東壤下

兩其泊器統括上他孔反宏致上惠發軼下

忍寫上時反入經反楚責綱緜官下莫倫匹字下仄枯涸鶴下音警策景上音下

入經

械上悉伐上音徹骨列上丑洲渚呂下之重秤上去聲

反潛行益上自軟恫下音岡正作調訛

大宋四法經

涯上際吾佳反宜又薩婆若下汝阿蘭若下汝擊者反擊

一計盤曲上音迴翔下音稠林上直千輻下音

福綱緜官下莫倫匹字下仄枯涸鶴下音警策景上音下

反楚責綱緜官下莫倫匹字下仄枯涸鶴下音警策景上音下

